

Þriggja ára eftirlitsáætlun og áherslur í efnamálum 2021-2023



Efnisyfirlit

1. INNGANGUR	3
2. ÞRIGGJA ÁRA ÁÆTLUN UM EFNAEFTIRLIT 2021-2023.....	3
2.1. Áætluð sértæk eftirlitsverkefni á gildistíma áætlunarinnar	3
2.2. Vöktun á reglufylgni með efnalöggjöfinn 2021-2023	4
2.3. Samráð við önnur stjórnvöld en Umhverfisstofnun, sem hafa hlutverki að gegna samkvæmt efnalögum.....	4
3. GERÐ EFTIRLITSÁÆTLUNAR.....	5
4. FORGANGSRÖÐUN VERKEFNA.....	5
5. FRAMKVÆMD EFTIRLITS	6
6. EFNALÖGIN, HLUTVERK UMHVERFISSTOFNUNAR OG VERKASKIPTING STJÓRNVALDA.....	7
7. TEYMI EFNAMÁLA HJÁ UMHVERFISSTOFNUN	8
8. ÁHERSLUR Í EFNAMÁLUM 2021-2023	8
8.1. Áherslur í kynningarmálum.....	8
8.2. Áherslur varðandi umbætur í stjórnsýslu	9

Þriggja ára eftirlitsáætlun og áherslur í efnamálum 2021-2023

Útgáfunúmer: 2020-15

11. desember, 2020

Unnið af: Birni Gunnlaugssyni og teymi efnamála hjá Umhverfisstofnun

Útgefandi:



Suðurlandsbraut 24

108 Reyjavík

Sími: 591 2000

Netfang: ust@ust.is

Veffang: www.ust.is

1. Inngangur

Efni, efnablöndur og hlutir sem innihalda efni eru allt í kringum okkur og um efnin og notkun þeirra gilda ákveðnar reglur til þess að draga eftir föngum úr þeirri áhættu sem fylgir nærveru þeirra. Markmið efnalaga nr. 61/2013 er að tryggja að meðferð á efnum, efnablöndum og hlutum sem innihalda efni valdi hvorki tjóni á heilsu manna og dýra né á umhverfi og hins vegar að efna skuldbindingar Íslands um að tryggja frjálst flæði á vörum á innri markaði Evrópska efnahagssvæðisins að því er varðar efni, efnablöndur og hluti sem innihalda efni. Þá er það markmið laganna að koma í veg fyrir ólöglega markaðssetningu.

Umhverfisstofnun falið að hafa umsjón með framkvæmd efnalaga, fara með eftirlit, eftir því sem kveðið er á um í lögnum, og vera ráðherra til ráðgjafar í málaflokknum.

Umhverfisstofnun vill stuðla að því að skapa heilnæmt og öruggt umhverfi fyrir alla og lágmarka áhrif skaðlegra efna á lífríki og heilsu manna. Til að ná því markmiði þarf skýra verkferla og skilvirkt eftirlit til þess að koma í veg fyrir að ólöglegar efnavörur komist á markað héraðs.

Í þessari skýrslu birtist þriggja ára áætlun Umhverfisstofnunar um efnaeftirlit sem gildir fyrir tímabilið 2021-2023 ásamt öðrum áherslum stofnunarinnar í efnamálum fyrir þetta tímabil sem taka mið af stefnu hennar. Lögð er áhersla á verkefni sem stuðla að neytenda- og umhverfisvernd og hafa það að markmiði að koma í veg fyrir ólöglega markaðssetningu. Þetta er gert með markaðseftirliti á hættulegum og leyfisskyldum efnum, innleiðingu og framkvæmd nýrrar löggjafar og vandaðri upplýsingagjöf til annarra stjórnvalda, atvinnulífs og almennings.

2. Þriggja ára áætlun um efnaeftirlit 2021-2023

Hér að neðan eru tilgreind sértæk verkefni í þriggja ára eftirlitsáætlun Umhverfisstofnunar um efnaeftirlit sem nær yfir árabilið 2021-2023 í samræmi við 52. gr. efnalaga. Nánar er fjallað um gerð áætlunarinnar og forgangsröðum verkefna í 3. og 4. kafla í þessu skjali.

2.1. Áætluð sértæk eftirlitsverkefni á gildistíma áætlunarinnar

1. Hættulegar efnavörur - samnorrænt eftirlitsverkefni
2. Hlutir sem innihalda hættuleg efni - skimun með efnagreiningum
3. Samevrópskt efnaeftirlit (REF-9) með áherslu á markaðssleyfi skv. REACH
4. Samnorrænt eftirlitsverkefni um hættuleg efni og efnablöndur - áhersla ákveðin síðar
5. Hættulegar efnavörur á byggingavörumarkaði
6. Greining á söluskrám eiturefna vegna 2022
7. Hættulegar efnavörur í sölu til almennings
8. Einkvæmt formúluauðkenni - Er merkingarskylda uppfyllt og hefur varan verið skráð inn í eiturefnagrunn Efnastofnunar Evrópu
9. Hættulegar myndlistar- og föndurvörur
10. Sæfivörur í vöruflokkum 8, 14, 18 og 21
11. Sæfivörur í vöruflokki 19 - fæliefni fyrir gæludýr

12. Sæfivörur í vöruflokki 2 - sóttþreinsiefni
13. Sæfivörur - Aðgangur að málskjölum um virk efni
14. Plöntuverndarvörur á markaði
15. Sólarvarnir - innihaldsefni og merkingar
16. Vöruupplýsingaskjal fyrir snyrtivörur frá íslenskum framleiðendum
17. Háreyðingarefni – innihaldsefni og merkingar
18. Innihaldsefni í snyrtivörum fyrir húð sem eru bönnuð eða háð takmörkunum
19. Vottun einstaklinga sem vinna með kælimiðla flúoraðra gróðurhúsalofttegunda
20. Vottun fyrirtækja sem þjónusta kælimiðla flúoraðra gróðurhúsalofttegunda
21. Kælimiðlar flúoraðra gróðurhúsalofttegunda - merkingar, einnota kútar
22. Eftirfylgni með banni við notkun halóna í flugvélum
23. Notkun ósoneyðandi efna í fiskiskipum
24. Merkingar á taupvottaefnum
25. PFOS og PFOA efni - samnorrænt eftirlitsverkefni

Í þeirri þriggja ára eftirlitsáætlun sem hér er lögð fram er gert ráð fyrir að Umhverfisstofnun vinni að 25 skilgreindum eftirlitsverkefnum sem gætu falið í sér eftirlitsferðir til ekki færri en 50 fyrirtækja á hverju ári. Auk þess að sinna ofangreindum skilgreindum eftirlitsverkefnum er ætíð lögð áhersla á að taka á móti og bregðast við ábendingum um ólöglegar vörur á markaði frá öðrum stjórnvöldum, fyrirtækjum og almenningi.

Hér að neðan eru tilgreind verkefni sem sinnt er árlega af teymi efnamála hjá Umhverfisstofnun og lúta að því að vakta reglufylgni með efnalöggjöfinni. Verði stofnunin vör við frávik er brugðist við með því að krefjast úrbóta eða gripið er til annarar eftirfylgni eftir eðli máls hverju sinni.

2.2. Vöktun á reglufylgni með efnalöggjöfinn 2021-2023

1. Losun gróðurhúsalofttegunda á vistferli eldsneytis
2. Eftirfylgni með skilum á eldsneytisskýrslum
3. Brennisteinsinnihald í skipaeldsneyti samkvæmt eldsneytisskýrslum
4. Úttekt á tollafgreiðslu plöntuverndarvara
5. Söluskrár fyrir notendaleyfisskyldar vörur
6. Innflutningur kælimiðla flúoraðra gróðurhúsalofttegunda og gagnaskil vegna loftslagsbókhalds fyrir Ísland
7. Innflutningur á kælimiðlum sem falla undir kvótakerfi

2.3. Samráð við önnur stjórnvöld en Umhverfisstofnun, sem hafa hlutverki að gegna samkvæmt efnalögum

Í samræmi við ákvæði 2. mgr. 52. gr. efnalaga voru drög að eftirlitsáætlun 2021-2023 og áherslur í efnamálum send heilbrigðinefndum sveitarfélaga, Vinnueftirliti ríkisins, Tollgæslunni, Neytendastofu, Eitrunarmiðstöð Landspítala og Húsnæðis- og mannvirkjastofnun til umsagnar í byrjun nóvember 2020. Engar efnislegar athugasemdir voru gerðar við áætlunina.

3. Gerð eftirlitsáætlunar

Í 52. gr. efnalaga segir um eftirlitsáætlun:

„Til að tryggja yfirsýn og framkvæmd laga þessara og reglugerða settra samkvæmt þeim skal Umhverfisstofnun útbúa eftirlitsáætlun til þriggja ára í senn[...].

Í eftirlitsáætluninni skal vera yfirlit yfir sértæk eftirlitsverkefni sem unnin verða og skipulagningu þeirra. Áhersla skal lögð á öryggi almennings og umhverfisvernd. Í áætluninni skal jafnframt gert ráð fyrir tilteknum fjölda eftirlitsferða á hverju ári til aðila sem markaðssetja efni og efnablöndur. Í því skyni að gæta hagkvæmni í eftirliti og fyrirbyggja tvíverknað og skörun í eftirliti, eftir því sem frekast er unnt, skal Umhverfisstofnun, við gerð eftirlitsáætlunarinnar, hafa samráð við önnur stjórnvöld sem hafa hlutverki að gegna skv. II. kafla efnalaga.

Umhverfisstofnun skal fyrir 1. mars ár hvert gefa út skýrslu um niðurstöður eftirlits fyrir undangengið ár og birta á vefsetri sínu.“

Í greinargerð segir enn fremur:

„Lagt er til að eftirlitsáætlunin innihaldi yfirlit yfir sértæk eftirlitsverkefni sem unnin verða og lögð verði áhersla á öryggi almennings og umhverfisvernd. Þá skal jafnframt gera ráð fyrir tilteknum fjölda eftirlitsferða á hverju ári til verslana og heildsala sem selja efni og efnablöndur. Með þessu móti er til að mynda hægt að ákveða að eitt árið verði tiltekinn fjöldi efna tekinn fyrir og markaðssetning þeirra skoðuð. Það getur falið í sér eftirlitsferðir til heildsala sem og verslana sem selja efnin og athugun á því hvort framkvæmd sé í samræmi við lögin. Þannig er einnig unnt að leggja áherslu á að tryggja öryggi almennings, m.a. með því að horfa einkum til hættulegra efna. Gert er einnig ráð fyrir að framkvæmt verði stikkprufueftirlit til að kanna efnainnihald í tilteknum efnum, efnablöndum eða hlutum sem innihalda efni.

4. Forgangsröðun verkefna

Eins og fram kemur í 7. kafla þá sinnir teymi efnamála margvíslegum verkefnum, ekki eingöngu eftirlitsverkefnum. Teymið vinnur eftir gildum Umhverfisstofnunar en þau eru framsýni, samstarf og árangur. Þegar verkefnin eru mörg er mikilvægt að forgangsráða eftir þörf og áhættu og í því skyni var eftirfarandi aðferð beitt:

1. skref: Skilgreining á helstu áherslum í efnamálum

Fjöldmargar reglugerðir á sviði efnamála hafa tekið gildi hér á landi á undanförunum árum s.s. um flokkun og merkingu efna og efnablandna, skráningu, mat, leyfisveitingu og takmarkanir að því er varðar efni, snyrtivörur, sæfivörur, plöntuverndarvörur og fljótandi eldsneyti. Þá munu taka gildi á tímabilinu 2021-2023 nýjar reglugerðir um flúoraðar gróðurhúsalofttegundir, kvikasilfur, eiturefni, meðferð plöntuverndarvara og útrýmingarefna, þrávirk lífræn efni auk þess sem stöðugt er verið að breyta og aðlaga löggjöf að aðstæðum. Því er mikilvægt að leggja áherslu á kynningu nýmæla í löggjöfinni og að hafa eftirlit með því að framkvæmdin sé í samræmi við hana.

Eitt af markmiðum Umhverfisstofnunar er að stuðla að heilnæmu umhverfi og þá er mikilvægt að ná til þeirra sem viðkvæmastir eru fyrir óæskilegum áhrifum efna en þetta á t.d. við um konur á barneignaaldri, ófrískar konur og börn. Teymi efnamála vill halda áfram að miðla upplýsingum og góðum ráðum á heimasíðu Umhverfisstofnunar og tengja það við eftirlitsverkefni sem unnin verða.

Í efnalögum er lögð áhersla á að færa eftirlit ofar í aðfangakeðjuna, til birgja í stað verslana. Þessir aðilar hafa ríkustum skyldum að gegna samkvæmt efnalöggjöfinni og hagkvæmara er að ná utan um málaflokkinn með þessu móti í stað þess að fara í allar verslanir sem kaupa

af birgjum. Auk þess er tilgreint í lögum að hafa skuli eftirlit með sem flestum þáttum laganna, bæði með efnum í iðnaði og neytendavörum.
2. skref: Forgangsröðun
<p>Á hverju ári berast Umhverfisstofnun fjölmargar ábendingar frá atvinnulífinu, einstaklingum og öðrum stjórnvöldum um brot á efnalöggjöfinni og lögð er áhersla á að bregðast ætíð við alvarlegum brotum án tafar. Eftirliti í kjölfar slíkra ábendinga er því veittur forgangur umfram önnur verkefni hjá stofnuninni sem lúta að efnamálum.</p> <p>Við forgangsröðun verkefna er horft til hættulegustu efnanna, sem annað hvort eru bönnuð á markaði eða takmarkanir gilda um. Þá er horft til umfangs markaðssetningar, krafna um markaðsleyfi, efna og efnablandna sem eingöngu eru leyfð til nota í atvinnuskyni, sem og vara sem boðnar eru hinum almenna neytanda. Þá er lögð áhersla á að fylgja eftir breytingum á löggjöf með kynningu og fræðslu auk eftirlits.</p> <p>Leitast er við að gera landsbyggðinni og höfuðborgarsvæðinu jafnhátt undir höfði við val á úrtaki í eftirlitsverkefnum. Mikil áhersla er lögð á að taka þátt í eftirlitsverkefnum á vegum Efnastofnunar Evrópu og í gegnum norrænt samstarf í efnamálum vegna þess að slík verkefni gefa okkur mikilvægar upplýsingar um stöðu þessara mála í nágrennalöndunum, auka við þekkingu okkar á framkvæmd efnaeftirlits og skapa mikilvæg tengsl við samstarfsmenn í þessum löndum.</p>
3. skref: Skilgreining verkefna
<p>Unnið er samkvæmt hugmyndafræði verkefnastjórnunar en í því felst að útbúin er skilgreining fyrir hverju og einu verkefni þar sem fram koma markmið verkefnisins, upphaf þess og endir, hver sé verkefnisstjóri, hverjir sitja í verkefnishóp og hvaða afurða sé að vænta. Teymisstjóri heldur utan um verkefnaáætlunina.</p> <p>Verkefnum er skipt í fjóra flokka eftir eðli þeirra, þ.e. eftirlit, vöktun, kynning og umbætur.</p>
4. skref: Röðun verkefna í tíma
<p>Útbúin er verkefnaáætlun fyrir eitt ár í senn þar sem stillt er upp þeim verkefnum sem eru inná gildandi eftirlitsáætlun þannig að þau raðist í eðlilega tímaröð með hliðsjón af fjölda verkefna, gildandi löggjöf, vinnuálagi og fjármunum sem stofnunin hefur til umráða. Haft er svigrúm í ársáætluninni til að geta sinnt óvæntum og brýnum eftirlitsverkefnum í kjölfar ábendinga.</p>

5. Framkvæmd eftirlits

Í XI. kafla efnalaganna, um eftirlit, eru tilgreindar þær heimildir sem Umhverfisstofnun hefur til eftirlits, aðgengi að gögnum, heimildir til sýnatöku og fleira. Einnig er tekið fram að hver sá sem hefur undir höndum efni, efnablöndu eða hlut sem inniheldur efni skuli veita, án endurgjalds, alla nauðsynlega aðstoð við eftirlitið, svo sem aðstoð starfsmanns eða aðgang að húsakynnum og tækjabúnaði. Einnig ber að veita Umhverfisstofnun allar umbeðnar upplýsingar og afhenda henni þau gögn sem hafa þýðingu við eftirlitið. Eftirlit er hægt að framkvæma á ýmsan hátt en hið hefðbundna eftirlit felst í að fara á staðinn og kanna hvort viðkomandi starfsemi fylgi lögum og reglugerðum. Á tímum netvæðingar er einnig hægt að framkvæma margs konar eftirlit á rafrænan hátt með því að kalla eftir upplýsingum. Hvort tveggja er nauðsynlegt við skilvirkt eftirlit. Þegar gögn sem óskað er eftir í eftirliti hafa borist eru þau greind og ef í ljós koma frávik frá reglugerðum eru gerðar kröfur um úrbætur. Þeim kröfum er síðan fylgt eftir með viðeigandi hætti þar til úrbætur hafa átt sér stað. Niðurstöður eftirlitsverkefna og til

hvaða úrræða stofnunin grípur í kjölfar þeirra eru kynntar á vefsetri hennar jafnóðum og þær liggja fyrir.

Stór hluti eftirlits felst í að upplýsa eftirlitsþega um þær reglugerðir sem gilda um viðkomandi málaflokk og er lögð rík áhersla á það hjá Umhverfisstofnun.

6. Efnalögin, hlutverk Umhverfisstofnunar og verkaskipting stjórnvalda

Efnalögin tóku gildi á Íslandi þann 17. apríl 2013 og þar með féllu tvenn eldri lög úr gildi, annars vegar lög nr. 52/1988 um eiturefni og hættuleg efni og hins vegar lög nr. 45/2008 um efni og efnablöndur. Efnalöggjöf í Evrópu hefur breyst mikið undanfarin ár og er enn að breytast. Hér má nefna reglugerðir eins og REACH sem tók gildi hér á landi 2008, reglugerð um flokkun og merkingu efna og efnablandna sem tók gildi 2012, reglugerð um snyrtivörur sem tók gildi 2013, reglugerð um sæfivörur sem tók gildi 2014 og reglugerð um plöntuverndarvörur sem tók gildi 2015 og hafa allar þessar reglugerðir verið innleiddar hér á landi. Þá hafa á undanförunum árum settar þrjú reglugerðir til innleiðingar á tilskipunum um fljótandi eldsneyti þar sem Umhverfisstofnunin hefur ríkum skyldum að gegna og kalla á aukin umsvif, en þetta eru reglugerðir um gæði eldsneytis frá árinu 2016, brennisteinsinnihald í tilteknu fljótandi eldsneyti frá 2014 og um viðmiðanir í sjálfbærri lífelsesneysisframléiðslu frá 2013.

Ný löggjöf ESB kallar á nýjar kröfur til framkvæmdar og eftirlits. Ljóst var að styrkja þurfti töluvert framkvæmdina hér á landi í þessum málaflokki í tengslum við endurskoðun laganna. Rík krafa er gerð um samræmt eftirlit á landsvísu og í allri Evrópu. Ríki skulu gera eftirlitsáætlanir og skila reglulega inn upplýsingum um framkvæmd og niðurstöður eftirlits. Ein af meginskyldum Íslands við framkvæmd efnalöggjafarinnar er að tryggja jafnræði á markaði og er markmiðið það að sömu kröfur séu gerðar til sambærilegra fyrirtækja innan EES og að þau fái sams konar eftirlit.

Í efnalögum er verkaskipting stjórnvalda tilgreind í sérstökum kafla og eru þar talin upp hlutverk Umhverfisstofnunar, heilbrigðisnefnda sveitarfélaga, Vinnueftirlits ríkisins, Tollgæslunnar, Neytendastofu, Eitrunarmiðstöðvar Landspítala og Húsnæðis- og mannvirkjastofnunar. Þær breytingar eru gerðar frá fyrri löggjöf að Umhverfisstofnun er falið að annast eftirlit með framkvæmd laganna og reglugerða sem eru settar samkvæmt þeim, þ.e.a.s. eftirlit með framléiðslu, meðferð og markaðssetningu efna, efnablandna og hluta sem undir lögin falla. Með þessari breytingu er eftirlitið fært ofar í aðfangakeðjuna, til birgjanna sem hafa ríkum skyldum að gegna. Þá er það hlutverk Umhverfisstofnunar upplýsa stjórnvöld um þá þætti sem þau hafa þörf á til að sinna hlutverki sínu samkvæmt lögum.

Heilbrigðisnefndir sveitarfélaga hafa eftirlit með meðferð, notkun og merkingum efna í þeirri starfsleyfisskyldu starfsemi sem heyrir undir starfsleyfi sem nefndirnar gefa út og Vinnueftirlitið fer með eftirlit með meðferð, notkun og merkingum hættulegra efna á vinnustöðum. Tollgæslan skal veita Umhverfisstofnun upplýsingar um tollafgreiðslu efna, efnablandna og vara sem falla undir efnalögin og hafna tollafgreiðslu þeirra ef ástæða er til samkvæmt tilmælum stofnunarinnar. Þá hefur Neytendastofa eftirlit með auglýsingum og svipuðum viðskiptaaðferðum, Eitrunarmiðstöð Landspítala tekur við upplýsingum um hættuleg efni og eiturefni og Húsnæðis- og mannvirkjastofnun hefur eftirlit með markaðssetningu raf- og rafeindatækja.

7. Teymi efnamála hjá Umhverfisstofnun

Teymi efnamála hjá Umhverfisstofnun hefur það hlutverk að framfylgja ákvæðum efnalaga og er í fjárlögum gert ráð fyrir um sjö stöðugildum í því skyni. Verkefni teymisins eru fjölbreytt og nokkur þau helstu eru tekin saman hér að neðan:

1. **Stjórnsýsla**
 - a. Vinna við innleiðingu efnalöggjafar á EES svo sem með því að greina áhrif gerða hér á landi, skrifa drög að reglugerðum og kynna þær fyrir hagsmunaaðilum.
 - b. Sjá um gagnaskil til ESB og alþjóðlegra stofnana um framkvæmd reglugerða og alþjóðlegra samninga.
2. **Gerð eftirlitsáætlunar og framkvæmd eftirlits**
 - a. Yfirumsjón eftirlits með efnun, efnablöndum og hlutum sem innihalda efni.
 - b. Taka við ábendingum um ólöglegar vörur og bregðast við þeim.
3. **Útgáfa leyfa sem lúta að meðferð efna**
 - a. Markaðsleyfi (REACH, sæfivörur, plöntuverndarvörur).
 - b. Notendaleyfi (plöntuverndarvörur, útrýmingarefni).
 - c. Vottorð
4. **Upplýsingagjöf um efnamál**
 - a. til annarra stjórnvalda.
 - b. til atvinnulífsins: þjónustuborð (Helpdesk), kynningarfundir, kynning í fyrirtækjum.
 - c. til almennings.
 - d. kennsla á námskeiðum sem tengjast lögum og reglum um efnavörur.
5. **Þátttaka í norrænu og evrópsku samstarfi**
 - a. Fulltrúi Íslands í Norræna efnahópnum (NKE) og þátttaka í undirhópnum NKE um sæfivörur; plöntuverndarvörur; efnaeftirlit; flokkun, merkingu og umbúðir; óson og flúoraðar gróðurhúsalofttegundir og skimun fyrir mengunarefnum.
 - b. Efnastofnun Evrópu (ECHA), FORUM, HelpNet.
 - c. Siglingaöryggisstofnun Evrópu (EMSA), ESSF, MARPOL.

8. Áherslur í efnamálum 2021-2023

Auk þess að beita aðferðafræðinni um forgangsröðun í 4. kafla til þess að útbúa þriggja ára áætlun um efnaeftirlit sem fram kemur í 2. kafla hefur hún verið notuð til að draga fram aðrar áherslur Umhverfisstofnunar í efnamálum fyrir tímabilið frá 2021-2023 sem teknar eru saman hér að neðan.

8.1. Áherslur í kynningarmálum

- Umhverfisvarp um efnamál
- Kynningarátak um efni í umhverfi barna
- Efni sem hafa hormónahermandi áhrif
- Nanóefni
- Gátlisti um staðfærslu á öryggisblöðum fyrir Ísland yfir á ensku.
- Kynningarátak um hættulegar efnablöndur og könnun á þekkingu almennings
- Fylgja eftir kynningu á kröfunni um að UFI kóði komi fram á umbúðum og í öryggisblöðum fyrir hættuflokkaðar efnablöndur og boða eftirlit hjá framleiðendum

- Hönnuhús í grunnskólum
- Taka saman og kynna fyrir haghöfum lista yfir leyfileg virk efni fyrir sæfivörur í vöruflokkum 1-5 (sótthreinsiefni).
- Hvað er 95 listinn? Aðgangur að málsskjölum um virk efni í sæfivörum.
- Kynning á breytingum á reglugerð um plöntuverndarvörum í kjölfar heildarendurskoðunar á reglugerð (EB) nr. 1107/2009 um setningu plöntuverndarvara á markað
- Leiðbeiningar um förgun á útrunnum plöntuverndarvörum
- Kynning á nýrri reglugerð um meðferð plöntuverndarvara og útrýmingarefna
- Nýjar kröfur um þjálfun vegna endurnýjunar á notendaleyfum
- Vottorðakerfi og leiðbeiningar vegna tilnefningar á ábyrgðarmönnum vegna sölu á notendaleyfisskyldum vörum
- Innleiðing og kynning á reglugerð um eiturefni
- Uppfærsla á kynningarefni fyrir snyrtivörur á vef Umhverfisstofnunar
- Fjölnota kútar fyrir flúoraðar gróðurhúsalofttegundir
- Móta kröfur til fyrirtækja sem vinna með flúoraðar gróðurhúsalofttegundir og kynna fyrir haghöfum
- Endurskoðun á bæklingi um þvotta- og hreinsiefni
- Kynning á reglugerð um kvikasilfur
- Kynningarátak um PFAS efni

8.2. Áherslur varðandi umbætur í stjórnarsýslu

- Birting á lista yfir vörur sem Umhverfisstofnun hefur stöðvað markaðssetningu á
- Upplýsingar í árskýrslu teymis efnamála aðlagaðar að kröfum um alþjóðleg gagnaskil
- Endurskoðun á gjaldskrá Umhverfisstofnunar varðandi gjöld fyrir þjónustu sem veitt er á grundvelli ákvæða í efnalögum
- Meta þörf á því að setja sérstaka reglugerð um framkvæmd efnaeftirlits í ljósi reynslunnar af framkvæmd efnalaga
- Uppfæra og koma á fót gagnagrunnum vegna efnaeftirlits og útgáfu leyfa sem byggja á stoð í efnalögum
- Uppfæra reglugerð nr. 415/2014 um flokkun merkingu, umbúðir og umbúðir efna og efnablandna, m.a. ákvæði um tungumál á innihaldsefnum
- Skráningarkerfi fyrir útlát eiturefna til almennings tekið í notkun
- Verkferill fyrir ársfjórðungsleg skil á eldsneytisskýrslum
- Vinna drög að reglugerð um kvikasilfur
- Innleiðing á reglugerðabreytingu um þrávirk lífræn efni.

Lögð verður áhersla á samráð við önnur stjórnvöld um framkvæmd efnalaga eins og fyrri ár svo sem með reglulegum samráðsfundum, fræðslu um efnalöggjöfina, gerð leiðbeininga um efnaeftirlit og sameiginlegum eftirlitsverkefnum.

Auk verkefna sem afmörkuð eru í þessari áætlun er lögð áhersla á að bregðast við ábendingum um ólöglegar vörur á markaði frá öðrum stjórnvöldum, fyrirtækjum og almenningi.

Samþykkt á afgreiðslufundi sviðs efna, eftirlits og veiðistjórnunar þann 10. desember 2020.